



**Vågå**  
**kommune**  
Felles tenester

Helse- og omsorgsdepartementet

## Melding om vedtak

**Vår ref.**  
2009/680/3/

**Dykkar ref:**

**Saksbehandlar**  
Jorunn Skogstad  
61293608

**Dato**  
02.11.2009

**Særutskrift sak 34/09 i HOKO: Høyring: Endringar i kommunehelsetenestelova - eit verdig tenestetilbod.**

Vedlagt følgjer særutskrift av sak 34/09 i Hovudutval for oppvekst, kultur og omsorg i møte 30. oktober 2009.

Med helsing

Jorunn Skogstad  
Sekretær



## Vågå kommune

Arkivsak: 2009/680 -2

Arkiv:

Saksbehandlar:

Svein Holen

| Utv.saksnr | Utval                                     | Møtedato   |
|------------|-------------------------------------------|------------|
| 6/09       | Eldrerådet                                | 16.10.2009 |
| 34/09      | Hovudutval for oppvekst, kultur og omsorg | 30.10.2009 |
| 8/09       | Råd for funksjonshemma                    | 16.10.2009 |

### Høyring: Endringar i kommunehelsetenestelova - eit verdig tenestetilbod

#### Vedlegg:

- Høyringsdokument frå Helse- og omsorgsdepartementet dagsett 29.06.2009

#### Saksframlegg:

Helse- og omsorgsdepartementet har sendt ut på høyring eit forslag om endringar i kommunehelse-tenestelova § 2-1 om rett til helsehjelp og forslag til ny forskrift heimla i kommunehelsetenestelova

§ 1-3 femte ledd og sosialtenestelova § 4-6 om ei verdig eldreomsorg. Departementet ber om høyringsuttaler innan 29.10.2009.

Med lovendringsforslaget ønskjer departementet å presisere innhaldet i omgrepet nødvendig helsehjelp ved å framheve verdigheit som eit grunnleggjande element i helsetenesta. Saman med forskrifts-endringa inneber forslaget ei presisering av forståinga for dei rettane eldre har til tenestene. Departementet vil med dette styrke både rettstilstanden og tenestetilbodet til denne brukargruppa. Dei økonomiske konsekvensane av forslaget i den enkelte kommune er likevel avhengige av korleis dagens tenestetilbod er utforma, og departementet varslar ei nærare utgreiing av desse konsekvensane.

#### Vurdering:

##### Om lovendringsforslaget:

Departementet viser til at utviklinga over tid har gått frå å sjå brukaren som ein passiv mottakar av tenester, til å leggje til rette for at brukaren er aktiv og medverkande. Utviklinga har dermed også påverka omgrepet "nødvendig helsehjelp", og det er behov for å klargjera korleis omgrepet er å forstå. Ved å slå fast retten til eit *verdig tenestetilbod* blir dette eit grunnleggjande element i ei forsvarleg helseteneste på line med retten til *forsvarleg helsehjelp*.

Rådmannen er av den oppfatning at retten til eit verdig tenestetilbod lenge har vore innarbeidd i ideologien i tildeling og drift av helse- og sosialtenestene i Vågå kommune. Lovendringa blir slikt sett ei juridisk stadfesting av gjeldande praksis.

Om forskrifta:

Den nye forskrifta har som målsetting at eldre ikkje kjem urimeleg ut i forhold til den generelle innsatsen i pleie- og omsorgstenestene. Departementet kjem derfor med presise føringar for ei verdig eldreomsorg. Forskrifta omhandlar på enkelte tema område som er regulerte i gjeldande kvalitetsforskrift, men sistnemnte er til forskjell frå den nye ei internkontrollforskrift.

Retten til eit verdig tenestetilbod utfordrar tenesteapparatet på dialogen og samhandlinga med brukaren. Tenestene skal innrettast i respekt for den enkelte sin sjølvråderett, eigenverd og livsførsel og sikre at medisinske behov blir ivaretekne. Departementet listar opp følgjande omsyn (§ 3):

- a) En riktig og forsvarlig boform ut frå den enkeltes behov og tilstand
- b) Et variert og tilstrekkelig kosthold og tilpasset hjelp til måltider
- c) Et mest mulig normalt liv, med normal døgnrytme og adgang til å komme ut, samt nødvendig hjelp til personlig hygiene
- d) Tilby samtaler om eksistensielle spørsmål
- e) Lindrende behandling og en verdig død
- f) Å bevare eller øke sin mulighet til å fungere i hverdagen. Omsorgen skal bidra til habilitering og rehabilitering
- g) Faglig forsvarlig oppfølging av lege og annet relevant personell, som sikrer kontinuitet i behandlingen
- h) Tilby eldre som bor i helseinstitusjon enerom

Rådmannen sitt forslag til tillegg:

Rådmannen er kjent med at Helse- og omsorgsdepartementet arbeider med ei ny stortingsmelding om tannhelse. Viktig grunnlagsmateriale for stortingsmeldinga er NOU 2005:11 om det offentlege engasjementet på tannhelsefeltet (kjelde: regjeringen.no). Av dei hovudutfordringane som NOU 2005:11 peikar på er den eine at vi har eit sosialt fordelingsproblem ved at det finst grupper i befolkninga som har klåre behov, men som av ulike årsaker ikkje får eit godt tilbod. Ei anna er at det trengst er ei meir offensiv og bevisst satsing på helsefremjande og førebyggjande arbeid.

I rapporten "Tenner for livet" frå 2006 konkluderte Sosial- og helsedirektoratet med at det er eit stort forbedringspotensial på mange sjukeheimar når det gjeld tannhelse og munnstell, og i "Forsøksordning med utvidet fylkeskommunalt tilbod om tannhelsetjenester, Futt-prosjektet" (2005) vart det dokumentert store tannhelseproblem og stort behov for tannbehandling blant desse gruppene:

- brukarar av andre kommunale heimetenester enn heimesjukepleie
- personar med eit pleiebehov som blir dekt av pårørande
- personar i rusmiddelomsorga
- personar under psykisk helsevern

Rådmannen meiner det er viktig å sikre at personar i desse gruppene blir sikra like moglegheiter til å oppnå akseptabel tannhelse som resten av den vaksne befolkninga, også for å bidra til å utjamne sosiale forskjellar. Det offentlege må derfor ta eit særskilt ansvar for tilrettelagte tannhelsetenester til utsette grupper, og at dette må gjelde så vel i det førebyggjande som i det behandlande helsetilbodet.

**Rådmannens innstilling:**

Vågå kommune sluttar seg til høyringsforslaget til lovendring og ny forskrift som omhandlar eit verdig tenestetilbod i helse- og sosialtenestene.

Til forslaget til ny forskrift blir det sett fram følgjande forslag om tillegg til § 3 (ny bokstav):  
*”Tannhelsetilbud (forebygging og behandling) som til den øvrige del av den voksne befolkningen”.*

#### **Saksprotokoll i Eldrerådet - 16.10.2009**

##### **Behandling:**

Eldrerådet slutta seg samrøystes til framlegget.

##### **Framlegg:**

Som rådmannens innstilling.

#### **Saksprotokoll i Råd for funksjonshemma - 16.10.2009**

##### **Behandling:**

Råd for funksjonshemma slutta seg samrøystes til framlegget.

##### **Framlegg:**

Som rådmannens innstilling.

#### **Saksprotokoll i Hovudutval for oppvekst, kultur og omsorg - 30.10.2009**

##### **Behandling:**

Vedtaket var samrøystes.

##### **Vedtak:**

Vågå kommune sluttar seg til høyringsforslaget til lovendring og ny forskrift som omhandlar eit verdig tenestetilbod i helse- og sosialtenestene.

Til forslaget til ny forskrift blir det sett fram følgjande forslag om tillegg til § 3 (ny bokstav):  
*”Tannhelsetilbud (forebygging og behandling) som til den øvrige del av den voksne befolkningen”.*

